

SKUPŠTINA KANTONA SARAJEVO
Zastupnica Mersiha Mehmedagić
NAROD I PRAVDA
Sarajevo, 15.10.2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO ZDRAVSTVA
ZAVOD ZDRAVSTVENOG OSIGURANJA
KANTONA SARAJEVO

PREDMET: ZASTUPNIČKA INICIJATIVA

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosim zastupničku inicijativu:

Da se proširi lista B lijekova i uvrsti se lijek naziva Opsumit ili Macitentan koji se koristi za liječenje Plućne arterijske hipertenzije (PAH) ili inicira interventni uvoz istog.

Navedeni lijek pod komercijalnim nazivom Masipah ima dozvolu Agencije za lijekove i medicinska sredstva Bosne i Hercegovine, nosilac dozvole za stavljanje lijeka u promet u BIH je Nobel lijek d.o.o Sarajevo što je osnovni preduslov za uspješnu realizaciju ove inicijative. Inicijativu podnosim jer raspoloživi lijek Revatio, kao osnovni lijek za navedenu rijetku bolest, nažalost, nije dovoljan za pacijente čija bolest je u progresiji. Napominjem da se radi o neizlječivoj bolesti od koje boluje i određen broj mladih ljudi u Kantonu Sarajevo koji trebaju našu pomoć, jer njihova bolest znači borbu za dah svakoga trena zbog visokog tlaka u plućnim arterijama. Također napominjem da bismo boljom opskrbom novijim lijekovima smanjili potencijalne komplikacije ali i troškove u liječenju ove bolesti koja se završava transplantacijom pluća.

Kako zemlje regiona za svoje pacijente ove rijetke bolesti nude više lijekova i pomagala, također molim da Ministarstvo poduzme sve što je u njegovoj nadležnosti i u suradnji sa zdravstvenim institucijama KS inicira da se za oboljele od PAH-a obezbijedi kroz interventni uvoz i lijek novije generacije, Sotatercept, za kojeg je potrebno osigurati saglasnost za uvoz ili odobrenje Agencije za lijekove i medicinska sredstva Bosne i Hercegovine za promet na području Bosne i Hercegovine. Navedeni lijek se već koristi u regiji kada drugi lijekovi za PAH nisu pružili adekvatnu pomoć.

Pored navedenog lijeka potrebno je osigurati i saglasnost Agencije za uvoz pomagala koja osiguravaju trajnu primjenu kisika kroz nos ili preko maske pacijentima PAH-a koji imaju izrazito nizak nivo kisika u krvi. Ministarstvo koje je već pokazalo senzibilitet za ove pacijente ovim inicijativama može značajno unaprijediti kvalitet njihovog života, zaustaviti progresiju bolesti i spasiti bar jedan mladi život.

Mersiha Mehmedagić, zastupnica, s.r.